

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCCLII.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

C C C C L I I .

LUDOVICUS EPISC. SPIR. ET DECANUS CUM
CAPITULO CONSENTIUNT VENDITIONI CURTIS
IN DURRENBÜCHIG ET QUÆ AD EAM
PERTINENT.

A N N O M D.

Ex Tabulario Bada-Durlacensi.

Wir LUDWIG von Gottes Gnaden Bischoff zu Speier, bekennen vnd thun kunt offembar mit diesem Brieffe das wir vnserm lieben getrüwen Reinhardten von Züttern vmb seiner flissigen Bitt bessers Nutz vnd Notturfft willen gegont vnd bewilligt haben, gennen ihme auch vnd bewilligen Inn Krafft dis Brieffs für vns vnd alle vnser Nachkommen zu verkauffen dem Hochgebornen Fürsten vnd Herrn Herrn Cristofen Marggraven zu Baden vnd Grauen zu Spanheim &c. vnserm lieben Herrn, befundern Frunde vnd Gevattern, solchen Hofte zu Durrenbüchig gelegen zwüschen Bretheim vnd Wöfingen, mit Vogtyen, Eckern, Wiesen, Zinsen vnd allen andern Inn- vnd Zugehorungen nichts vsgenomen, wie dann solches alles von vns vnd vnserm Stifft zu Mannlehen gangen ist vnd benanter Rinhard empfangen vnd getragen hat, on alle Geuerde, zu Vrkunde haben wir vnser Ingesiegel thun hencken an diesen Brieff vnd wir Dechan vnd Capittel des Domstiffts zu Spyer bekennen auch offentlich mit diesem Brieffe das solch Gönung vnd Bewilligung wie obgeschrieben, mit vnserm guten Wissen,

Willen vnd Verhengnuß zugangen vnd beschehen ist, das haben wir zu Vrkunde vnfers Capittels klein Ingesiegel auch gehangen an diesen Brieff, der gebben ist zu Vdenheim vff Mittwoch nach des heiligen Crutztag Inventionis, Anno Domini Millefimo quingentesimo.

(L.S.) (L.S.)



CCCCIII.

REINHARDUS A ZUTTERN (ZEUTTERN) VENDIT
CHRISTOPHORO MARCHIONI BADENSI CASTRUM
ET BONA SUA IN WESINGEN ET CURTEM
IN BÜCHIG.

ANNO M D.

Ex Tabulario Bada-Durlacensi.

Ich REINHARDT von Zuttern bekhenne vnd thun kundt offennbar mit diesem Briue allen den, die in ymmer sehen oder lesen heren werden, daz ich mit Zytiger vorbetrachtung, wohlbedachtem Muthe vnd güttem Raute myner Frunde vnd aller der die darzu nottürfftig gewest sin vmb mynes besern Nutzens willen und funderlich mit Wissen vnd verwilligung der hochwürdigen vnd hochgepornen Fürsten, erwur-digen vnd wolgepornen Herren, Herren Ludwigs Bischoffs vnd Dechan Cappittels, finer Gnaden Dumstiffts zu Spyr, Herren Ulrichs, Hertzogen zu Würtenberg vnd zu Tegck &c. Graue zu Mumpelgardt &c. mit zugeordnetem Regiment vnd Herrn Bernhardts, Graven zu Eberstain